

GUBIÈRNU DI KÒRSOU

RELATO DI DIA EKSTRAORDINARIO

Djamars, 28 di yùni 2022 | 7:30'or di anochi

Tópiko:

Situashon di wer na Kòrsou i medidanan di prekoushon



TOKE DE KEDA

Entrante djárason, 29 di yüni 2022:

Gobièrnu di Kòrsou ta instalá un Toke de Keda for di **4'or di atardi** te un próksimo aviso.

Ku eksepsyon di funshonnan vital pa nos komunidat.



ORARIO DI SERVIZIO NA PÙBLIKO

Entrante djárason, 29 di yüni 2022:

Tur establesimentu, ku eksepsion di funshonnan vital, mester sera pa **3'or di atardi** riba djárason, 29 di yüni 2022.

Esaki ta konta tambe pa servisionan pùbliko i servisionan gubernamental, te kaminda ku e servisio ta permití.



LISTA DI FUNSHONNAN VITAL

Funshonnan vital tin eksepsjon riba e Toke de Keda, pero asta pa funshonnan vital ta konta ku solamente ora tin mester por ta riba kaya.


- Kuerpo Polisial i LBD
- Brantwer
- Wardakosta
- Citro
- Defensie
- Milisia i CURMIL
- Téknikonan di Aqualetra responsabel pa ret di awa i elektrisidat
- Personal i klientenan di Sentro Detenshon i Korekshon Kòrsou (SDKK)
- Téknikonan di UTS/FLOW i Digicel ku ta responsabel pa e ret di telekomunikashon
- Personal di seguridat di Haf
- Personal di seguridat di Aeropuerto (ínkluso 'air traffic controllers')
- Veiligheidsdienst Curaçao (VDC)
- Personal di seguridat di Refineria
- Minister i Parlamentarionan
- Tim Stratégiko / Tim di Krísis
- Banko Sentral
- Miembronan di douana
- Empleadonan di imigrashon
- Trahadónan di pòmpan di gasolin
- Shòfurnan di konvoi (ABC), shòfur di bús
- Miembronan di RBo
- Personal di CMC
- Miembronan di Prensa
- Agensia Funeraria solamente den kaso di buska defuntu



TUR EMPLEADO PÙBLIKO TA LIBER DJÁRASON

Gobièrnu di Kòrsou ta informá ku tur empleado pùbliko ta liber **djárasón, 29 di yüni 2022**, te kaminda ku e servisio ta pèrmití.

Esaki ta nifiká ku tur servisio pùbliko ta será riba djárasón 29 i djaweps 30 di yüni 2022.



SKOLNAN TA SERÁ DJÁRASON I DJAWEPS

Tur skolnan ta será riba **djárason 29 i djaweps 30 di yüni 2022.**

E úniko eksepsion riba esaki ta pa alumnonan di SKAIH Pre-Universitario (HAVO) riba djárason mainta, den kuadro di un èksamen 'CXC' ku mester tuma lugá na mes momentu ku otro skolnan den Karibe.

Riba djaweps, Gobièrnu ta informá kiko ta bai pasa ku skol riba djabièrnè, 1 di yüli. Tur kos ta dependé di e desaroyonan di wer aki na Kòrsou.



EVAKUASHON DI ÁREANAN VULNERABEL

Entrante djáron, 29 di yüni 2022:

Ta konsehabel pa tur persona ku ta biba den áreanan na kosta (kuststrook) p.e Boka Sami, bai keda temporalmente serka famia òf konosí.

Esaki ta konta tambe pa tur persona ku ta biba den barío i besindarionan ku normalmente ta keda inundá na momentu di (hopi) awaseru.



TA KANSELÁ TUR EVENTO I AKTIVIDAT

Mester kanselá tur aktivitat i evento planeá pa tuma lugá **djárason, 29 di yüni i djaweps, 30 di yüni 2022.**

Riba djaweps Gobièrnu ta informá kon ta sigui ku demas evento i aktivitat. Tur kos ta dependé di e desaroyonan di wer aki na Kòrsou.



ORARIO ADAPTÁ PA TRANSPORTE PÚBLIKO

Riba djárason, 29 di yüni 2022, transporte públiko ta kore **te 4'or di atardi.**

Tur persona ku ta dependé di transporte públiko pa por yega kas seif, porfavor tene kuenta ku esaki.



TA KITA BRÙG EMMA TEMPORALMENTE

Djárason, 29 di yüni 2022, ta kita brùg Emma for di **10'or di mainta**.
Fèrinan lo ta aksesibel te ku 4'or di atardi pa por krusa entre Otrobanda i Punda.



USO DI SHÈLTER TA ÚLTIMO REFUGIO

Por favor tuma nota ku uso di shèlter ta e último refugio, den kaso ku bo no tin ningun opshon i na kas bo no ta seif. Purba akudí serka un famia, amigu òf konosí promé ku bo opta pa bai un shèlter.

Tin shèlternan disponibel na e.o.:

- Maris Stella SBO na Grebbelinieweg
- Eligia Martier SBO na Oosterbeekstraat
- Rode Kruis na Barber, Weg naar Westpunt
- Kolegio Annie Koenraad na Kaya Tera Korá

Gobièrnu lo informá riba djáron, 29 di yüni 2022, e punto di kontakto pa hasi uso di shèlter i tambe lokalidat di shèlternan adishonal.



BISHITA NA SDKK

Entrante djárason, 29 di yüni 2022:

Den kuadro di medidanan di prekoushon, tur bishita na detenidonan di Sentro di Detenshon i Korekshon Kòrsou ta keda posponé te un pròksimo aviso.


Pa mas informashon por bishitá e paginá di Facebook: SDKK - Sentro di detenshon i korekshon Kòrsou.



KOMPILASHON DI DATOS PA METEO

Servisio Meteorológiko Kòrsou ta deseá di kompilá mas tantu datos posibel di e sistema akí.

Por manda tur potrèt i video di inundashon i tambe vulnerabilidat di bientu pa Meteo via di **Whatsapp +5999 560 1089**. Manda adrès/nòmber di kaya huntu ku e potrèt òf video.



PARTISIPASHON DI WARDAKOSTA

En konekshon ku e anunsio di kódigo kòrá, Wardakosta ta konsehá na tur usuario di laman, ku énfasis pa tur propietario di boto chikitu, boto piskadó, boto di plaser, seadoo i otro deportistanan akuátiko pa no subi laman.

Por favor tuma medidanan di prekoushon nesesario pa sigurá bo boto. Pa doñonan di boto ku tin un boto na un marina òf un 'binnenwater' mará, e konseho ta pa saka bo boto na tempu for di awa i warda esaki na un forma sigurá. Esaki pa evitá ku e boto ta senk innesesariamente i kousa òf sufri daño.



RADIO DI EMERGENSIA 97.9 FM TA AKTIVO

Entrante djamars, 28 di yuni 2022:

Radio Easy FM 97.9 a aktivá i bira Radio di Emergenzia 97.9 FM.

Sòru pa bo tin un radio ku ta usa bateria pa si akaso koriente bai bo por sigui tur desaroyo via Radio di Emergenzia.



ALERTA I AKSHON TREMPAN



**Vigilando wer 24/7 pa
protehá bida i propiedat**

Bishitá www.meteo.cw

Facebook: Meteorological Department Curacao